

մաքսաւոր՝ և ապա քարոզ կենաց: Այլ և յաղագս կորովութեան իւրոյ՝ կարգէր ի զինուորութիւն զաւրաւարին Յունաց, և անդ բարիոք երևէր: Աշակերտէր Կարապետին. ոչ զրկէր՝ և ոչ խըւէր, այլ ասկեալ^ա թոշական շատանայր, և ընդ ամենայն հասակս և արհեստս անարատութեամբ անցանէր՝ որպէս Տէրն իմ և Աստուածն Յիսուս: Եւ յորժամ զփորձ էառ ամենայնի որ ինչ հեշտալի է կենցաղոյս և ըղձալի բազմաց, որպէս Եկէսեաստէսն ի նախնունս. և ծանեալ թէ ունայն և սնոտի է զոր ջանան մարդիկ ստանալ ի ներքո արեգական, և յիշեաց զբանն Տեառն. զժուարաւ մտանել փարթամաց ի սեփհական ժառանգութիւնն աղքատաց՝ վասն զի ոչ մերկանան յընչիցն. և որ ոչ հրաժարէ յամենայն ընչից իւրոց ոչ է պաշտանեա նորա: Սակըս որո լքեալ զամենայն՝ և կըղկզանս համարեալ՝ և պատճառ զչորման և մահու, զոսկի և զարծաթ՝ զակունս և զմարգարիտս, զբեհեզն և զկերպասն, զերիւարս պահրացիս՝ ք և զջորիս երիկամազիս, ըզզէնսն և զկազմածսն որք զբաւսանք են կենցաղոյս: Եւս և զփառս թագաւորաց և զպատիւս իշ-

ա. Ձկայ Ն. Հ. Բ.:

բ. Ձկայ Ն. Հ. Բ.: